

REGIONAL NEWS UNIT
ALL INDIA RADIO, AGARTALA
Date: 13-03-2024
Time: 07:55-08:05 PM Hrs
BENGALI EVENING BULLETIN

Headlines :

(১) প্রধানমন্ত্রী নরেন্দ্র মোদী আজ ভার্চুয়ালভাবে প্রধানমন্ত্রী সামাজিক উত্থান ও রোজগার আধারিত জন কল্যান প্রকল্প PM-SURAJ এর সূচনা করেন ।

(২) মুখ্যমন্ত্রী অধ্যাপক ডা: মানিক সাহা আজ গান্ধীঘাটে পর্যটন ও সংস্কৃতি প্রচার হাবের ভিত্তিপ্রস্তর স্থাপন করেছেন ।

(৩) আসন্ন লোকসভা নির্বাচনে পূর্ব ত্রিপুরা আসনে বিজেপির প্রার্থী হিসেবে প্রতিদ্বন্দ্বিতা করবেন মহারানী কীর্তি সিং দেববর্মা ।

(৪) তথ্য ও সম্প্রচার মন্ত্রী অনুরাগ সিং ঠাকুর আজ নতুন দিল্লিতে প্রসার ভারতী থেকে সংবাদ শেয়ার করার পরিষেবা PB-SHABD চালু করেছেন।

(৫) টিসিএ পরিচালিত মহিলাদের আমন্ত্রণমূলক ঘরোয়া টি-২০ ক্রিকেট প্রতিযোগিতা আজ থেকে শুরু হয়েছে ।

PM-Suraj :

প্রধানমন্ত্রী নরেন্দ্র মোদী আজ ভার্চুয়ালভাবে প্রধানমন্ত্রী সামাজিক উত্থান ও রোজগার আধারিত জন কল্যান প্রকল্প, PM-SURAJ এর সূচনা করেন। তাছাড়া প্রধানমন্ত্রী গোটা দেশের পিছিয়ে পড়া গোস্ঠীর ১ লক্ষ উদ্যোগীকে ৭২০ কোটি টাকার ঋণ মঞ্জুর করেন। তিনি তপশিলি জাতি পশ্চাদপদ শ্রেণী এবং স্বাস্থ্যবিধি সংক্রান্ত শ্রমিক সহ প্রান্তিক গোস্ঠীর সরকারী বিভিন্ন প্রকল্পের সুবিধাভোগীদের সঙ্গে ভিডিও কনফারেন্সিং-এর মাধ্যমে মত বিনিময় করেন। সারা দেশের ৪৭০ টিরও বেশি জেলার প্রায় ৩ লক্ষ সুবিধাভোগী এতে যোগ দেন। প্রধানমন্ত্রী এছাড়াও NAMASTE প্রকল্পের আওতায় সাফাই কর্মীদের আয়ুত্থান স্বাস্থ্য কার্ড এবং পিপিই কিট প্রদান করেন।

PM-Suraj-State :

গোমতী জেলার উদয়পুরের রাজর্ষি কলাক্ষেত্রে সরাসরি সম্প্রচার অনুষ্ঠানের উপস্থিত ছিলেন রাজ্যপাল ইন্দ্রসেনা রেডিড নাল্লু। রাজ্যপাল তার সংক্ষিপ্ত ভাষণে বলেন, প্রধানমন্ত্রীর জনকল্যাণমূলক কর্মসূচি সারা দেশের সঙ্গে ত্রিপুরা রাজ্যেও বাস্তবায়ন হচ্ছে। অনুষ্ঠানে অন্যান্যদের মধ্যে উপস্থিত ছিলেন গোমতী জিলা পরিষদের সহকারী সভাধিপতি দেবল দেব রায়, উদয়পুর পুর পরিষদের চেয়ারম্যান শীতলচন্দ্র মজুমদার প্রমুখ। এই অনুষ্ঠানে উদয়পুর পুর পরিষদের পাঁচ জন সাফাই কর্মীকে পিপিই কিট ও কয়েকজন সুবিধাভোগীকে আয়ুত্থান কার্ড প্রদান করা হয়।

প্রধানমন্ত্রীর এই সরাসরি সম্প্রচার অনুষ্ঠানে আগরতলার মুক্তধারা প্রেক্ষাগৃহে উপস্থিত ছিলেন মুখ্যমন্ত্রী অধ্যাপক ডা: মানিক সাহা। তিনি বলেন, প্রধানমন্ত্রী নরেন্দ্র মোদী নানা প্রকল্পের মাধ্যমে সমাজের পিছিয়ে পড়া মানুষদের কল্যাণে কাজ করে যাচ্ছেন।

তিনি বলেন এস সি, ওবিসি, ট্রান্সজেন্ডার এবং পশ্চাদপদ শ্রেণীর মানুষদের সুবিধার জন্যই এই PM-Suraj প্রকল্পের সূচনা করেছেন প্রধানমন্ত্রী। অনুষ্ঠানে অন্যান্যদের মধ্যে উপস্থিত ছিলেন শিল্প ও বানিজ্য মন্ত্রী শান্তনা চাকমা, তপশিলি জাতি কল্যাণ মন্ত্রী সুধাংশু দাস প্রমুখ। এই অনুষ্ঠানে মুখ্যমন্ত্রী রাজ্যের ৫ জন সুবিধাভোগীদের আয়ুষ্সন কার্ড, ৫ জন সাফাই কর্মীকে পিপিই কিট ও ৫ জন মহিলাকে ঋণ প্রদান করেন।

পিএম সুরজ জাতীয় পোর্টালের ভারুয়ালি উদ্বোধনী অনুষ্ঠানের দক্ষিণ জেলার জেলা শাসকের অফিসের সম্প্রচার অনুষ্ঠানে উপস্থিত ছিলেন কেন্দ্রীয় সামাজিক ন্যায় বিচার ও ক্ষমতায়ন প্রতিমন্ত্রী প্রতিমা ভৌমিক। এছাড়াও সমবায় মন্ত্রী শুরাচরন নোয়াতিয়া, বিধায়ক অশোক মিত্র, দীপংকর সেন, মাইলাফরু মগ, স্বপ্না মজুমদার, দক্ষিণ জেলার জেলা শাসক সিদ্ধার্থ শিব জয়সওয়াল প্রমুখ উপস্থিত ছিলেন।

বিশ্রামগঞ্জের শচীন দেববর্মন স্মৃতি কলাক্ষেত্রে এই অনুষ্ঠানটির সরাসরি সম্প্রচার দেখানোর ব্যবস্থা করা হয়। উপস্থিত ছিলেন সিপাহীজলা জিলা পরিষদের সভাধিপতি সুপ্রিয়া দাস দত্ত, সহকারী সভাধিপতি পিন্টু আইচ, বিধায়ক কিশোর বর্মন, অন্তরা সরকার দেব প্রমুখ।

CM, Tourist hub :

মুখ্যমন্ত্রী অধ্যাপক ডা: মানিক সাহা আজ গান্ধীঘাটে পর্যটন ও সংস্কৃতি প্রচার হাবের ভিত্তিপ্রস্তর স্থাপন করেছেন। মুখ্যমন্ত্রী অনুষ্ঠানে বলেন, পর্যটন ও সংস্কৃতির উন্নয়নের মাধ্যমে আমাদের রাজ্যকে আর্থ-সামাজিক দিক থেকে উন্নত করতে এই হাব করা হচ্ছে। মোট এক দশমিক ছয় এক একর জমিতে ৩৫ কোটি টাকা খরচে এই হাব তৈরি হবে। তিনি জানান পর্যটন ও সংস্কৃতি হাবে উত্তর পূর্বাঞ্চলের বিশিষ্ট ব্যক্তিদের মূর্তি বসানো হবে। থিয়েটার, অডিটরিয়াম, রাজ্যের ১৯টি জনজাতি গোষ্ঠীর সংস্কৃতির নিদর্শন, গ্যালারি ও পার্কিং এর জায়গা থাকবে এই হাবে। মুখ্যমন্ত্রী বলেন, ত্রিপুরা মিশ্র সংস্কৃতির জায়গা। আমাদের সমৃদ্ধ সংস্কৃতি বাঁচিয়ে রাখতে চেষ্টা চলছে। তিনি বলেন,

#####Byte#####

অনুষ্ঠানে তথ্য সংস্কৃতি দপ্তরের সচিব ড: প্রদীপ চক্রবর্তী, অধিকর্তা বিশ্বিসার ভট্টাচার্য প্রমুখ বক্তব্য রাখেন।

BJP :

আসন্ন লোকসভা নির্বাচনের পূর্ব ত্রিপুরা আসনের জন্য প্রার্থীর নাম ঘোষণা করল বিজেপি। ঐ আসনে বিজেপির প্রার্থী হিসেবে প্রতিদ্বন্দ্বিতা করবেন মহারানী কীর্তি সিং দেববর্মা। আজ বিজেপির পক্ষ থেকে এই ঘোষণা দেওয়া হয়েছে।

Prasar Bharati :

তথ্য ও সম্প্রচার মন্ত্রী অনুরাগ সিং ঠাকুর আজ নতুন দিল্লিতে প্রসার ভারতী থেকে সংবাদ শেয়ার করার পরিষেবা PB-SHABD চালু করেছেন। তিনি পরিমার্জিত আকাশবাণী নিউজ, ডিডি নিউজের ওয়েবসাইট এবং নবগঠিত নিউজ অন এয়ার মোবাইল অ্যাপ চালু করেছেন। অনুষ্ঠানে শ্রী ঠাকুর বলেন যে SHABD পরিষেবাটি প্রথম বছরের জন্য বিনামূল্যে দেওয়া হচ্ছে এবং এটি পঞ্চাশটি বিভাগে সমস্ত প্রধান ভারতীয় ভাষায় খবর সরবরাহ করবে। তিনি বলেন, আজকের দিনটি দেশের তথ্য ও সম্প্রচার ক্ষেত্রের জন্য একটি ঐতিহাসিক দিন। শ্রী ঠাকুর বলেন কয়েক বছর ধরে, প্রসার ভারতী প্রতিটি আঞ্চলিক ভাষায় দেশের প্রতিটি কোণায় সংবাদ সংগ্রহ এবং সংবাদ সরবরাহের একটি বিস্তৃত নেটওয়ার্ক গড়ে তুলেছে। মন্ত্রী বলেন যে আকাশবাণী ব্যাপক মোবাইল সংযোগের যুগে অত্যন্ত প্রাসঙ্গিক হয়ে গেছে এবং এখনও সরকারী প্রকল্প এবং নীতিগুলি সম্পর্কে সঠিক তথ্যের উৎস।

অনুষ্ঠানে তথ্য ও সম্প্রচার সচিব সঞ্জয় জাজু প্রসার ভারতীর সিইও, গৌরব দ্বিবেদী বক্তব্য রাখেন।

Election CEO :

রাজ্যে আসন্ন লোকসভা নির্বাচন অবাধ শান্তিপূর্ণ ও সুষ্ঠুভাবে সম্পন্ন করার জন্য নির্বাচন কমিশন সব ধরনের উদ্যোগ নিয়েছে। আজ আগরতলার প্রজ্ঞাভবনে রাজ্য নির্বাচন দপ্তরের উদ্যোগে সংবাদমাধ্যম প্রতিনিধিদের নিয়ে আয়োজিত মতবিনিময় সভায় রাজ্যের মুখ্য নির্বাচন আধিকারীক পুনীত আগরওয়াল একথা জানান। তিনি বলেন, নির্বাচন পরিচালনায় সংবাদ মাধ্যমের

গুরুত্বপূর্ণ ভূমিকা রয়েছে। ভোটাররা যেন নির্ভয়ে তাদের ইচ্ছে অনুযায়ী ভোট দান করতে পারেন সেই উদ্দেশ্যে নির্বাচন কমিশন সব ধরনের উদ্যোগ নিয়েছে। আলোচনা সভায় অতিরিক্ত মুখ্য নির্বাচন আধিকারীক সুভাশিস ব্যানার্জি, অতিরিক্ত মুখ্য নির্বাচন আধিকারীক উষাজেন মগ, তথ্য সংস্কৃতি অধিকর্তা বিশ্বিসার ভট্টাচার্য, তথ্য সংস্কৃতি দপ্তরের যুগ্ম অধিকর্তা অনুপম চক্রবর্তী, সহকারী ইলেক্টোরাল আধিকারীক কমল চৌধুরী বক্তব্য রাখেন।

Food Minister :

পরিবহন, পর্যটন এবং খাদ্য ও জন সংভরণ দপ্তরের মন্ত্রী সুশান্ত চৌধুরী আজ মোহনপুর বাজারে ১৬ কোটি টাকা ব্যয়ে ৮৪ টি স্টল বিশিষ্ট দ্বিতল মার্কেট স্টল কমপ্লেক্স নির্মাণের জন্য আজ ভূমি পূজনে অংশ নেন এবং মার্কেট কমপ্লেক্স স্টলের ভিত্তি প্রস্তর স্থাপন করেন। বেকারদের স্বাবলম্বী করে তোলা এবং ব্যবসায়ীদের সুবিধার কথা চিন্তা করে জিরানীয়া মহকুমার মজলিশপুর বিধানসভা কেন্দ্রের মোহনপুর বাজারে এই নতুন অত্যাধুনিক মার্কেট তৈরি হচ্ছে। মন্ত্রী সুশান্ত চৌধুরী বলেন, রাজ্য সরকারের নগর ও গ্রামোন্নয়নের কর্মকান্ডের প্রতি এই উদ্যোগ এক উজ্জল ভবিষ্যতের প্রতি আরেকটি পদক্ষেপ।

Ratan lal nath-Mohanpur :

কৃষি ও কৃষক কল্যাণমন্ত্রী রতনলাল নাথ আজ মোহনপুরের বিজয়নগরে বীজ প্রক্রিয়াকরণ কেন্দ্রের শিলান্যাস করেন। মন্ত্রী শ্রী নাথ বলেন অধিক পরিমাণে এবং উন্নত ফলনের উদ্দেশ্যেই আজ

এই প্রক্রিয়াকরণ কেন্দ্রের উদ্বোধন করা হয়েছে। তিনি বলেন বর্তমানে রাজ্যে একটি কেন্দ্রীয় বীজ পরীক্ষাগার, দশটি বীজ প্রক্রিয়াকরণ কেন্দ্র এবং আরো ৮৪টি বীজ গুদাম রয়েছে। এরপরেও রাজ্য সরকার আরো ছয়টি আধুনিক বীজ প্রক্রিয়াকরণ কেন্দ্র গঠন করছে।

ROAD INAUGURATION :

অর্থমন্ত্রী প্রণজিৎ সিংহ রায় আজ ছাতারিয়া, ধ্বজনগর ও পশ্চিম ধ্বজনগর পঞ্চায়েতে গ্রামোন্নয়ন দপ্তর কর্তৃক রেগার অর্থে নির্মিত ছ'টি ঢালাই রাস্তা জনগনেরজন্য উৎসর্গ করেন। উপস্থিত ছিলেন টেপানিয়া পঞ্চায়েত সমিতির চেয়ারপার্সন ঝর্ণা দাস সহ অন্যান্যরা। মন্ত্রী বলেন, উদয়পুরের সার্বিক উন্নয়নে কাজ করছে সরকার।

Donation :

ভারতীয় সেনাবাহিনীর অবসারপ্রাপ্ত লেফটেন্যান্ট কর্ণেল অমর চাঁদ সরকার রাজ্যের তিনটি বিদ্যালয়ের দুঃস্থ ছাত্র ছাত্রীদের পড়াশোনার জন্য এক লক্ষ টাকা করে মোট তিন লক্ষ টাকা প্রদান করেছেন। কর্নেল সরকার আজ মুখ্যমন্ত্রী অধ্যাপক ডাঃ মানিক সাহার সঙ্গে তাঁর সরকারি বাসভবনে এক সৌজন্য সাক্ষাৎকারকালে এই অর্থরাশি তিনটি চেকের মাধ্যমে মুখ্যমন্ত্রীর হাতে তুলে দেন।

Blood Donation :

সাব্ৰুমের মাইকেল মধুসূদন দত্ত কলেজে আজ জাতীয় সেবা প্রকল্পের বিশেষ শিবির উপলক্ষে রক্তদান শিবির অনুষ্ঠিত হয়। শিবিরে ২২ জন ছাত্রছাত্রী স্বেচ্ছায় রক্তদান করেন। শিবিরে উপস্থিত ছিলেন সাব্ৰুম নগর পঞ্চায়েতের ভাইস চেয়ারম্যান দীপক দাস, মহকুমা বনাধিকারিক সিদ্ধার্থ দেবর্মা প্রমুখ।

Womens college NSS :

মশা ঘটিত বিভিন্ন রোগ থেকে বাঁচতে আজ ওমেন্স কলেজের এন এস এস ইউনিটের পক্ষ থেকে রাজধানী আগরতলার বিভিন্ন জায়গায় পথ চলতি মানুষ ও ব্যবসায়ীদের মধ্যে সচেতনতামূলক লিফলেট বিতরণ করা হয়। উপস্থিত ছিলেন কলেজের এন এস এস ইউনিটের প্রোগ্রাম অফিসার রমা ভট্টাচার্য।

Women's Cricket :

টিসিএ পরিচালিত মহিলাদের আমন্ত্রণমূলক ঘরোয়া টি-২০ ক্রিকেট প্রতিযোগিতা আজ থেকে শুরু হয়েছে। আসরের প্রথম দিনে মোট পাঁচটি খেলা হয়। এতে এমবিবি স্টেডিয়ামে অনুষ্ঠিত দুটি খেলায় ব্লাডমাউথ ক্লাব ১০ উইকেটে মৌচাক কোচিং সেন্টারকে এবং নিউটাউন প্লে সেন্টার ১০৪ রানে বিদ্যাসাগর কোচিং সেন্টারকে পরাজিত করে। এদিকে, তালতলা মাঠে দুটি খেলায় তরুণ সংঘ ৯ উইকেটে চাম্পামুড়া কোচিং সেন্টারকে এবং জুটমিল কোচিং সেন্টার ৬ উইকেটে লালবাহাদুর ব্যায়ামাগারকে হারিয়ে দেয়। অপরদিকে, মেলাঘরে অনুষ্ঠিত খেলায় ভগিনী নিবেদিতা মহিলা

সমিতি ৮৩ রানে ক্রিকেট অনুরাগী কোচিং সেন্টারকে পরাজিত করে।

Super Division :

টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতার একদিনের সীমিত ওভারের আসরে আজ দুটি খেলা হয়। এতে শতদল সংঘ ও স্ফুলিঙ্গ ক্লাব জয়লাভ করেছে। নরসিংগড়ের টিআইটি মাঠে অনুষ্ঠিত খেলায় স্ফুলিঙ্গ ক্লাব ২৮ রানে ইউনাইটেড ফ্রেন্ডসকে এবং পিটিএ মাঠে শতদল সংঘ ২ উইকেটে ব্লাডমাউথ ক্লাবকে পরাজিত করে।

Weather :

আগামীকাল আকাশ আংশিক মেঘাচ্ছন্ন থাকবে। কিছু কিছু জায়গায় হালকা বৃষ্টিপাতের সম্ভাবনা রয়েছে। তাপমাত্রা সর্বোচ্চ তেত্রিশ ডিগ্রী এবং সর্বনিম্ন বাইশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল চৌত্রিশ ডিগ্রী এবং সর্বনিম্ন বাইশ দশমিক আট ডিগ্রী সেলসিয়াস।
